

للبنات وبس

3 حياة جديدة ❀

38 معاني الأنوثة ❀

43 قسمة ونصيب ❀

جمع وترتيب

د. مصطفى إبراهيم

بِسْمِ اللَّهِ الرَّحْمَنِ الرَّحِيمِ

حقوق الطبع محفوظة

الطبعة الأولى / ١٤٣١ هـ

مرفد الإيداع: ١٥٥٣٥ / ٢١٠

الناشر

دار التعمير للنشر والتوزيع

٠١٢٨٧٧٥٦٩٠ / ٠١٠٣٤١٨٧٨٤



♥ ومهما حلمنا و حاولنا نتخيل الجنة، مش هنقدر!
عارفة ليه؟؟ لأن فيها ما لا عين رأت و لا أذن
سمعت و لا خطر على قلب بشر!!

♥ تعالي نشوف حبيبنا النبي وهو بيوصفنا بعض
نعيم الجنة ؛ علشان نشتاق ليها بقلوبنا ونجتهد علشان
نفوز بيها... قال رسول الله ﷺ :

« يقول الله ﷻ: أعددت لعبادي الصالحين ما لا عين
رأت، ولا أذن سمعت، ولا خطر على قلب بشر ،
ثم تلا النبي ﷺ قول الله ﷻ:

﴿ فَلَا تَعْلَمُ نَفْسٌ مَّا أُخْفِيَ لَهُم مِّن قُرَّةِ أَعْيُنٍ جَزَاءً بِمَا

كَانُوا يَعْمَلُونَ ﴾ [السجدة: 17] « (1)

(1) رواه البخارى ومسلم



حياة جديدة

♥ زهقانة؟؟ حاسه انك مخنوقة؟؟

مش حاسه بطعم للحياة؟؟

طيب تعالي بينا نطلع رحلة.....؟؟؟

تحبي تطلعي رحلة فين؟؟

ايه أجمل مكان شفتيه فى حياتك ونفسك تروحيه؟؟

♥ طيب تعالي نحلم سوا .. و أي حلم!؟

ده أحلى حلم في حياة كل واحد فينا..

هخذك معايا مكان مختلف تماما..مكان كل الناس

سعيدة فيه ..الكل فرحان ومبسوط ومرتاح البال ..

مكان كله حب فى حب ... الحب الحقيقي بجد..

هاخذك ونروح الجنة ..



بلا بينا نروح الجنة ..

♦ **أهل الجنة :** متميزين جداً في الآخرة زي ما كانوا متميزين جداً في الدنيا ... كانوا متميزين في الدنيا برضاهم بأوامر ربنا سبحانه و تعالى ... يعرفوا إن دا حرام يتركوه ... و دا فرض يعملوه..

« أول ناس داخلين الجنة ، النبي ﷺ و صفهم بالقمر ليلة البدر، والناس اللي وراهم نورهم زي نور الكواكب فى السما !!

انتي متخيلة الكلام؟؟ مش نفسك تكوني منهم؟؟؟
مش نفسك تكوني بدر يوم القيامة؟؟

« حبيبيك بيوصفهم وبيقول ﷺ : «إن أول زمرة يدخلون الجنة على صورة القمر ليلة البدر ، والذين يلونهم على أشد كوكب دري في السماء إضاءة» (1)

(1) رواه البخاري ومسلم.



في الجنة ..

♥ ما لا عين رأت .. حاجة مفيش حد قبل كده شافها ولا حتى في الخيال!

♥ ما لا أذن سمعت .. أصوات جميلة عمرك ما سمعتها ولا حد سمعها قبل كده ..

♥ ولا خطر على قلب بشر .. يعني مفيش حد يقدر يتخيل..!

أصل ربنا هو اللي أعدها..

تخلي بقى دي تبقى عامله ازاى؟؟

♥ النبي ﷺ و الصحابة حطوا الجنة قدام عنيهم ؛ علشان كده قدروا يصبروا ويستحملوا أي مشكلة أو ابتلاء في الدنيا ..

مين فين اللي هيصبر زيهم علشان يفوز بيها؟؟



◆ **أعظم نعيم في الجنة** : أجمل وأعظم نعمة في الجنة يا أختي إنك تشوفي حبيبك ؛ ربك اللي تعبتي علشان، وصبرتي على أي كلمة علشان حجابك ؛ ربك اللي تركتي كل حاجة غلط علشانه ..

رؤية الملك ﷺ

قال رسول الله ﷺ: «إذا دخل أهل الجنة الجنة، وأهل النار النار، نادى مناد: يا أهل الجنة إن لكم عند الله موعداً يريد أن ينجزكموه ، فيقولون : وما هو؟ ألم يثقل الله موازيننا ، ويبيض وجوهنا، ويدخلنا الجنة، وينجنا من النار؟ فيكشف الحجاب ، فينظرون إليه فوالله ما أعطاهم الله شيئاً أحب إليهم من النظر إليه ولا أقر لأعينهم» (1)

(1) صححه الالباني في صحيح ابن ماجه



◆ **جمالك في الجنة** : فوق أي جمال تتصوريه !! الحورية في الجنة جمالها يفوق أي وصف ، انتي هتبقى أجمل من الحور العين في الجنة !
يعني أنت ملكة في الجنة ..

ماتضيعيش سعادة الآخرة ... احنا مش عايزين ندخل الجنة وخلص ؛ احنا عايزين أعلى درجات الجنة ؛ عايزين الفردوس الأعلى .. أصل الجنة درجات.. وطالما عايزين أعلى درجة ؛ يبقى لازم نتعب شوية ونصبر علشان نفوز بيها... زي الطالب اللي بيعد يذاكر ويسهر ويتعب ، بس كله بيهون لما بيلاقي نفسه آخر السنة من الأوائل..





وقبل ما أكمل كلامي ..

♥ أولاً : لازم تعرفي ان ربنا بيحبك .. ايوه بيحبك
 علشان سهّل إن الكتاب ده يوصلك وتقرأ الكلام ده،
 بنات غيرك كثير ممكن ميوصلهمش الكلام ده..
 ويضيعوا آخرتهم وهما مش حاسين ، وفاكرين انهم
 ماشيين صح! فالحمد لله ان ربنا بعثك اللي يذكرك ..
 ♥ ثانياً : اوعي تزعلي مني.. أو من الكلام.. أصل ده
 مش كلامي .. ده كلام ربنا سبحانه وتعالى والنبي ﷺ
 اللي حبهم بيجري في دمي ودمك ...
 ولا انتي مش بتحبي ربنا والنبي ﷺ ؟؟؟؟
 يبقى لازم نتفق ان أي حد بيحب حد يبقى لازم يحب
 كلامه ويسمعه..



♥ ياااااااااه ، مفيش شئ في الجنة أحب ولا أروع من
 رؤية وجه الملك سبحانه وتعالى، ربنا يرزقني وإياكي
 رؤية وجهه الكريم.. ورضاه الأبدي عنا..
 بعد كل اللي قرأته وتخلّيته ده ،،،

مملكه تبيني كل ده ب ايه؟

◀ عايز اتكلم معاكي عن شئ مهم جدا في حياة كل
 مسلمة، شئ يميز أي بنت مسلمة عن بنات الكون كله

عايز اتكلم معاكي عن حجابك

يووووووه !!! تاني الحجاب!! طيب ما أنا محجبة!!

يا ترى انتي فعلا محجبة؟؟

احنا منقدرش نقول لأ؛ لأن فعلاً فيه حاجة ملفوفة على
 شعرك، بس للأسف صعب تحكم عليه أنه "حجاب"!!



♥ وربنا هو اللي فرض الحجاب .. وهو أعلم بينا وبمصلحتنا وباللي فيه الخير لينا..
ولكن اللي بيخالف أمر ربنا .. يبقى يستاهل عقابه؟



الموضوع خطر والله ..

أنا عايزك تخافي على نفسك!! انتي فاكراه نفسك
ماشية فى طريق الجنة وانتى والله مش هتقربيهها ولا
حتى هتشمي ريحتها إلا أن تتوبي ..!!

طيب أنا بعلمك ليه؟؟

أنا لما أشوف أختى ماشية وقدامها حفرة وهتقع فيها
وهى مش واخدة بالها ؛ لازم أحذرها ..؟؟ بعد كده لو
وقعت فى الحفرة يبقى هي اللي اختارت بإيديها !!



أنا عايز أكلم أختي اللي مكتوب فى خانة الديانة فى
بطاقتها مسلمة ..

واقولها يا أختى ياللى بتصلي وبتصومي وبتطيعي
ربنا.. بس **حجابك لسه مش كامل !!**

✓ **الحجاب** يا أختي مش مجرد طرحة بتتلف على
الرأس وخلاص ... **الحجاب** يعني لبس البنت المسلمة
ككل ... كلمة "حجاب" أصلا يعني بيحجب...بيمنع..
يعني بيغطي...وده مش متوافر فى لبس البنات فى
الزمن ده زي ما انتي شايفة!؟؟

✓ **طيب** إيه هو الهدف من الحجاب؟؟ إيه لازمته؟؟
المفروض أنه بيحمي البنت المسلمة ويعفها ويمنع
عنها ذناب البشر ويمنع عنها أي أذى ..
وكمان علشان نحمي شبابتنا من فتنة النساء...الشباب
اللي عينيهم اتدمرت من النظر للبنات...



♥ **ده الرسول ﷺ نفسه خايف عليكى** وقال :

« يا معشر النساء تصدقن وأكثرن الإستغفار فإني رأيتكن أكثر أهل النار »⁽¹⁾

مستنيه ايه علشان تلبسى حجاب صح ؟؟؟؟

مستنيه ايه؟؟

مستنيه موت الفجأة ياخدك وتقابلي ربنا كده؟؟

* هو الموضوع خطير للدرجة دي يعني؟؟؟

◀ ما كل البنات والسنتات لابسين كده !؟

معنى كده ان كلهم هيتعذبوا في النار يعني!؟

◀ ما انا لسه قايلك ان النبي ﷺ قال ان النساء أكثر أهل النار!

(1) رواه مسلم



♥ رسالة إلى كل بنت مسلمة : إلى كل بنت بتصلي

وبتصوم وبتقرأ قرآن وفاكرة ان (لبسها محترم) !

◀ بقولها يا أختي:

مفيش حاجة اسمها لبس محترم ولبس مش محترم !!

مفيش حاجة اسمها بنطلون واسع وبنطلون ضيق!

مفيش حاجة اسمها بنطلون وفوقه فيست مغطيه!

مفيش حاجة اسمها بدى لوحده وبدى فوقه بلوزه !

فيه حاجة اسمها الزى الشرعي الإسلامي كما وصفه

الله ﷻ ورسوله ﷺ ..وده اللي هنعرفه بإذن الله...

♥ **أنا هكلمك دلوقتي..ولو شديت عليكى متزعليش؛**

لأني خايف عليكى..أنا ممكن أضحك عليكى بكلمتين

زي أي حد مش خايف عليكى ومش خسران حاجة

لما يجاملك ويقولك إنك كده كويسة وأحسن من غيرك

اللي كاشفة شعرها واللي لابسة نص كم واللي نسيت

تلبس أصلا !!



☛ **ده كل ده ولا حاجة!!!** ده انتى لسه قبل ما تنزلي
 وقفى قدام المراية ساعة ولا اتنين تعدلى الطرحة
 وتلفيها فوق وتحت وتحطي عشر طرح فوق بعض
 وتحطي حبة مكياج خفيف على حبة روايح وكله
 بحسابه!! ... وبعدين .. نزلتى الشارع.....
 ◀◀ بنت صغيرة فى إعدادي شافتك قالت أنا هطلع
 زيك .. في ميزان سيئاتك!!
 ◀◀ شاب ملتزم شافك انتكس .. في ميزان سيئاتك!!
 ◀◀ شاب شافك شهوته ثارت راح عمل عادة سيئة
 في ميزان سيئاتك!!
 ◀◀ واحد تانى لما شافك راح اتجوز عرفى .. في
 ميزان سيئاتك!!
 ◀◀ واحد تانى لما شافك راح زنا، في ميزانك سيئاتك!
 ◀◀ واحد تانى لما شافك نفسه اتفتحت قعد يبص على
 البنات طول الليل .. في ميزان سيئاتك!!



نعالى نشوف لبسك ده ممكن يوديكي فين؟
 " انتى عارفة يا أختي ..
 ◀ لو نزلتى الشارع و100 واحد بس نظر ليكي ..
 بـ 100 سيئة .. مفيش مشكلة!
 ◀ لو نزلتى الجامعة وألف واحد بس من الألف
 اللي موجودين فى الجامعة نظر ليكي.. كل واحد نظر
 100 نظرة هيطلع بس 100000 سيئة!
 ◀ لو واقفة بقى مع شلة فى الجامعة ساعة ولا اتنين
 كل واحد فيهم نظر ليكي 100 نظرة فى المدة دي..
 ◀ لو شاب من اياهم اللي عينهم هيئة أرصاد جابك
 من فوق لتحت ربع ساعة يعنى كمان 1000 نظرة..
 ◀ لو نزلتى تنفسحي بالليل وكل واحد من شباب
 الليل اللي ميتوصوش، هنقول نظر 10 مرات بس!
بعد ده كله هتدجعي البيت بكام سيئة؟؟؟؟!



• ترضي بكده؟؟ انتي عارفة اللعنة يعني ايه؟؟؟

اللعنة يعني الطرد من رحمة الله!!!

ده أى حد فينا يتمنى أقل جزء من رحمة ربنا ,
هو احنا أصلاً هندخل الجنة غير برحمة ربنا؟؟
اديكي بلبسك ده بقيتي ملعونة وطردي نفسك من

رحمة ربنا ..!! **ليه كده؟؟ وايه اللي يستاهل؟؟؟**

3- زانية ولا يُقبل منها صلاة..!

قال رسول الله ﷺ : « أيما امرأة استعطرت فمرت
بقوم ليجدوا ريحها فهي زانية »

«مامن امرأة تخرج إلى المسجد تعصف ريحها فيقبل
الله منها صلاة حتى ترجع إلى بيتها فتغتسل»⁽¹⁾

(1) صححه الالباني في جلاباب المرأة المسلمة



كاسيات عاريات : يعنى لابسه وساتره نفسها ومفيش
أي حاجة من جسمها ظاهرة ..بس لبسها ضيق مبين
جسمها كله ؛ فكأنها مش لابسة !! زي اللي بنشوفه
دلوقتي بالظبط من لبس البنات (**جيبات** و**بدييات**
وفيستات و**بناطيل جينز** و **اسكني** و**استرتشات**)

2- ملعونة مطرودة من رحمة الله..!

قال ﷺ: « سيكون في آخر امتي رجال يركبون على
سروج كأشباه الرجال ، ينزلون على أبواب المساجد
، نساؤهم كاسيات عاريات ، على رؤوسهن كأسنمة
البخت العجاف ، العنوهن فإنهن ملعونات »⁽¹⁾
وقال ﷺ أيضا : « لعن الله النامصة والمنتمصّة »⁽²⁾

(1) صححه الالباني في السلسلة الصحيحة

(2) صححه الالباني في صحيح الجامع



5- من صاحبات الكبائر التي تعادل القتل..!

« جاءت أميمة بنت رقيقة إلى رسول الله ﷺ تباعه على الإسلام ، فقال : أبايعك على أن لا تشركي بالله شيئاً ، ولا تسرقى ، ولا تزني ، ولا تقتلي ولدك ، ، ولا تنوحى ، ولا تتبرجى تبرج الجاهلية الأولى » (2)

« النبي ﷺ حط التبرج مع بقية الكبائر ، واشترط علشان يبابيعها انها لا تتبرج ، يعنى لو النبي ﷺ شافك دلوقتى مش هيرضى يبابيعك على الإسلام!! تدهنى بده؟؟!!»

6- جند من جنود الشيطان في الأرض..!

قال ﷺ: «المرأة عورة فإذا خرجت استشرفها الشيطان» (3)
يعني الشيطان بيفرح أول ما تخرجي بالمنظر ده!
بتوفري عليه كتبيبيبيبيير فى إضلال الشباب..!!

(2) صححه الألباني فى جلاب المرأة المسلمة

(3) صححه الألباني فى صحيح الترمذى والجامع وابن خزيمة



« زانية !! وكمان الصلاة مش مقبولة !!

ليه كده؟؟

ليه رضيتي تبقي زانية؟ علشان شوية برفان وروايح!

فيه بنت عاقله فى الدنيا تدهنى بده؟!

«معقدش ان حد عنده ذرة عقل يرضى بكده!

4- منافقة ومن شر هذه الامة..!

قال رسول الله ﷺ : « خير نساءكم الولود الودود

المواسية المواتية إذا اتقين الله .. وشر نساءكم

المتبرجات المتخيلات ، وهن المنافقات ، لا يدخل

الجنة منهن إلا مثل الغراب الأعصم » (1)

وكمان منافقة! ومن شر الناس فى أمة النبي ﷺ !!!

(1) صححه الألباني فى السلسلة الصحيحة



مستنيه ايه؟؟

عمرك شفتي ذنب الرسول ﷺ بيعظم

خطورته قد كده؟؟؟؟

• ايه الكلام اللي انت بتقوله ده؟؟! انت أكيد بتهرج!!
أنا عمري ما سمعت الكلام ده قبل كده!! للدرجة دي!
للدرجة دي أنا ممكن ريحة الجنة حتى مشمهاش!!
«أيوه يا أختي.. التبرج جريمة وذنوب خطير جداً..»

مستنيه ايه بقى؟؟

مستنيه عقوبة ربنا في الدنيا؟ ولا مستنيه سوء الخاتمة؟
ولا مستنيه عذاب القبر؟ ولا مستنيه أهوال القيامة؟؟
ولا مستنيه عقوبة ربنا في النار؟؟ مستنيه ايه؟؟؟
ده انتي هنتحجي غضب عنك حجاب شرعي كامل
وانتي داخله قبرك.. 5 أو 6 لفات كفن ملفوفه فيهم!



وممكن تحجبيه في الدنيا غضب عنك لو لا قدر الله
جالك حرق ولا حاجة ؛ هتبقى عايزة أى حاجة
تدارى بيها الحرق ده ..!!!

البسيه حياً قبل ما تلبسيه غضباً!!

• جسمك اللي كنتي بتغري بيه الشباب هيبقى في
القبر وجبة غذائية متكاملة العناصر للدود..!

ويوم القيامة هيبقى موفقك ايه..؟؟

• الرسول بيقول « الغوهن فانهن ملعونات » ...

يعنى هتطردي من رحمة الله ! ازاي؟؟؟ يعنى فى عز
الحر هتطردي من ظل عرش الرحمن .. هتطردي من
انك تشربي من ايد النبي ﷺ !! وهتقابلي ربنا ازاي؟؟
وهتقفي بين ايديه ازاي؟؟ وهتقوليله ايه؟؟؟
ومصيرك هيبقى ايه ساعتها؟؟ ... إلى النار!!!!

انتى عارفة يعنى ايه النار؟؟؟؟؟؟



ايه اللي يستاهل يا أختي..؟؟؟؟!!!

انتى متخيله جمالك فى الجنة هيبقى شكله ايه لو
أطعتى الله ولبستى حجاب صح؟؟
زى ما قولتلك هتبقى أجمل من الحور العين بإذن الله
🌸 والله يا جماعة المنتقبة أو المختمرة بتبقى ملكة
ماشيه فى الشارع، ليه تحرمى نفسك من لذة الإيمان؟
الحق اركبى قطر التوبة قبل ما يطله..

◀ قال تعالى:

﴿ وَلَا تَبْرَجْنَ تَبْرُجَ الْجَاهِلِيَّةِ الْأُولَىٰ ﴾ [الاحزاب: 33]

انتى عارفة تبرج الجاهلية الأولى يعنى ايه ..؟؟
كان النساء بيلبسو الطرحة فتبان حته من مقدمة
رأسها ورقبتها وبس ..ده ربنا قال عليه إنه تبرج !!



👉 يا أختي الواحد لما بيشوف فرن مولع.. بيقول
الواحد لو دخل هنا هيحصله ايه؟؟

النار

انتى مش عارفه ان شراب أهل النار نار؟؟
انتى مش عارفه انت طعام أهل النار نار؟؟
انتى مش عارفه انت ثياب أهل النار نار؟؟

يا أختي كابدى فى أي حاجة إلا مصيرك؟؟

بايدك تحددى مصيرك ..متتردديش فى القرار..

👉 الرسول ﷺ بيقول صنفان من أهل النار .. يعنى
ايه أهل النار؟ لما واحد يعيش فى بيت كذا سنة بنقول
ده من أهل البيت، يعنى انتى هتبقى من أهل النار!!
يعنى هتقعدى فى جهنم سنين مش يوم ولا يومين!!
ايه اللي يستاهل انك تودى نفسك جهنم؟؟!



الموضوع مش محتاج تفكير .. خدي القرار حالا..

ده مصيرك.. يا جنة يا نار؟!!!

♥ طيب ده بابا وماما مش موافقين ..؟؟!

يا أختي دي شطارتك بقى ... زي لما بتبقي عايزة فلوس أو حاجة معينة وبتعملي كل الطرق علشان يجيبوهالك ... تقدري تقنعهم بإذن الله بالحجاب الشرعي السليم..

♥ هيقولولي انتي كده ضيعتي شبابك .. انتي كده بتدفعني نفسك ..!!!

خدي بالك .. لو صخرة متينة وعمالين نحدها بالطوب مش هياثر فيها .. اوعي تسمعي لأي كلمة من أي حد! انتي اللي على الحق .. ولازم تثبتي ..



◀ يعني عمرنا ما سمعنا ان مرأة ابو جهل لبست (بدى) ولا مرأة ابو لهب لبست (استرتش).. ولا كانوا يرضوا يلبسوه..!!

◀◀ يا أختي ربنا اداكي الجمال .. وده نعمه منه..
وممكن ياخذها منك في أي وقت.. خافي يا أختي!

خافي ان ربنا يسحب منك نعمه!!



♥ **وعلى العكس تماما:** لو تكلمنا عن الحجاب

الكامل .. الحجاب الصح .. عداد حسنات مفتوح .. المليارات اللي احنا عديناها وانتي متبرجة هتخديها حسنات .. يا بختك من قربك من الله .. يا بختك !!

﴿ فَأَيُّ الْفَرِيقَيْنِ أَحَقُّ بِالْأَمْنِ ۗ إِنَّ كُنْتُمْ تَعْلَمُونَ ﴾

[الأنعام: 81]



◀ نيجي لأهم نقطة في الموضوع .. وهي :

صفات الحجاب الشرعي السليم

لبس المرأة ينقسم الى الحجاب والجلباب:

- ♥ **الحجاب** : بمفهوما هو الحاجة اللي بتغطي الرأس
- ♥ **والجلباب** : يعني اللبس اللي بيبقى تحت الحجاب أو اللي هو العباية بمفهوما..
- يعني مينفعش بقى ابقى لابسه حجاب صح وجلباب مخالف والعكس.. لازم نظبط الاتنين...

- ♥ **أولا : الحجاب** : حجاب فضفاض.. سواء ايشارب كبير أو طرحة كبيرة أو خمار .. أهم شئ يكون :
- ✓ **الحجم**: مغطى نصف جسمك اللي فوق كله.. كله!
- ✓ **الشكل**: مش مثقوب ولا شفاف ولا مطرز..
- ✓ **اللون** : ألوان مش مُلفته، مينفعش بيبقى 50 لون في بعض ولا ألوان الطيف مع بعض ولا الكلام ده كله!



♥ طيب ده زمايلي وأصحابي كلهم هيسبونني ..!؟!

زمايلك واصحابك ولا ربنا؟! .. مفيش وجه اختيار أصلا يا أختي!! اختاري ربك وعمره ما هيضيعك..

♥ طيب ده أنا كده هعنس ومش هتجوز ..!؟!

مين قال كده؟! ده المنتقبات والمختمرات أكثر ناس بيتجوزوا دلوقتي .. أغلب الشباب بيص للبت المتبرجة على انها تنفع للفرجة والمصاحبة وبس..إنما عند الجواز بيختار المحجبة حجاب صح..

♥ طيب ده الناس هتتريق عليا وعلى لبسي ..!؟!

لازم تستحملي ..وتعرفي ان هيجي اليوم اللي هتتريقى انتي عليهم وانتى فى الجنة..

♥ وأى شبهة الشيطان هيجيبهاك علشان تتأخرى

فى التوبة لازم تشيلها من نفسك تماما ..

مفيش وقت للتسوية .. اوعي تستنى ..!



مفسدات الحجاب

مفسدات الحجاب التي يجيبو الحجاب بتاعك الأرض:

✗ البرقان والروايح بأنواعها

✗ المكياج بكل أنواعه

✗ الكعب العالي

إياكي وال 3 حاجات دول !! إياكي!!



درجات الحجاب

① حجاب المرأة الصالحة: عباية بنفس المواصفات

السابقة وحجاب سواء ايشارب أو خمار بنفس

مواصفات الحجاب التي ذكرناها ..



♥ **ثانيا : العباية :** عارفه إسدال الصلاة اللي بتلبسيه

زيه كده بالظبط ؛ أصلك واقفه بين ايدين ربنا في

الصلاة .. وف نفس الوقت انتي برده بين ايديه في

الشارع وفي كل مكان..يعنى ممكن عباية أو إسدال..

◀◀ **بس أهم شرط لأي حاجة تلبسيها :**

✓ انها متعرفش اللي يشوفك حجم جسمك ..

يعنى متعرفش حد انك تخينة ولا رفيعة ..

يعني مفيش حاجة نهائيا اسمها وسط للعباية أو أي

لبس هتلبسيه...!!! ومينفعش بنطلون اطلاقا حتى

لو كان أوسع بنطلون في الدنيا !

✓ وتكون طويلة بحيث انك لو قعدتي أو ركبتي

مواصلات مفيش حاجة من جسمك تنكشف..

✓ وقماشتها طبعاً سمكية مش شفافة..

✓ والألوان ..؟؟ البسى أي لون يعجبك ، بس اياكي

من الألوان المتداخلة في بعضها والفاقة والملفتة

اللي تخطف عين اللي يبصلك ..



♥ بنت طيبة هتقول : طيب أنا دلوقتي كنت بلبس بناطيل وبديهاات ومكنتش اعرف الكلام ده كله .. هل لو تبت ورجعت لربنا وغيرت لبسي ، ممكن ربنا يقبلني ويغفرلي؟؟؟
 طبعا يا أختي .. بل سيئاتك كلها هتتبدل لحسنات بإذن الله .. ربنا بيقول : ﴿إِلَّا مَنْ تَابَ وَآمَنَ وَعَمِلَ عَمَلًا صَالِحًا فَأُولَئِكَ يُبَدِّلُ اللَّهُ سَيِّئَاتِهِمْ حَسَنَاتٍ وَكَانَ اللَّهُ غَفُورًا رَحِيمًا﴾ [الفرقان: 70] ، بس انتي خدي القرار ..

مفيش وقت يا أختي.. بلاش تسويف ..
 محدش عارف هيموت امتي ..؟!
 وموت الفجأة شايفيه قد ايه انتش في
 الزمه ده ...!!!



② حجاب المرأة المصلحة: النقاب ..

بنفس المواصفات السابقة ..النقاب الحقيقي ... اللي فيه تقوى لله عز وجل ..الفقهاء اختلفوا قالوا النقاب فرض ولا مش فرض ..والراجح انه فرض ..وحتى اللي قال انه مش فرض ، قال بشرط الأمن من الفتن وانت في زمن الفتن واختاري ..؟؟

③ حجاب المرأة السابقة: حجاب الجسم كما ذكرنا

بالإضافة إلى الإحتجاب عن الرجال والبعد عن الإختلاط قدر الامكان " (1)

(1) ما بين القوسين " " مقتبس بتصريف من محاضرة مستنيه ايه للدكتور حازم شومان



لو قابلتي ربنا وانتي باللبس ده

هتقوليله ايه؟؟؟

◀ هتقوليله كنت مستتية لما اتخطب وبعدين ابقى
اغير لبسي؟؟

◀ ولا هتقوليله الناس كانت هتقول عليا مش شيك لو
كنت التزمت بالزي الشرعي؟؟

◀ ولا هتقوليله أصلي مكنتش مقتتعة .. ما هو كله
لبس وخلص!!

♥ مش عايزين نندم !! في يوم مش هينفع فيه الندم!!
مش عايزين خطوات يا مؤمنة يا غالية ياللى الإسلام
عايز يحفظك ويصونك ويخليكي درة ميوصلهاش إلا
اللي يستحقها..

يعني مش عايزين حد يقول هلبس الأول بنطلون
واسع .. وبعدين جيبه وبعدين ممكن ابقى البس
اسدال.. عايزين حجاب شرعي كامل مرة واحدة !!



◀ بس فيه ناس بتقول : أنا لو غيرت لبسي مرة
واحدة هيبقى صعب ومش هقدر !
لو تضمني انك تعيشي يوم واحد كمان .. هقولك خدي
خطوات براحتك..! انما محدش فينا ضامن عمره ???

لو جالك ملك الموت هتقوليله ايه؟؟

اسئني شوية على ما أنوب واغير لبسي؟؟!

كفاية ان ربنا اداكي الفرصة لحد دلوقتي علشان
تصححي حجابك..! عايزين نفوق بقى ونعمل حساب
آخرتنا ووقفنا للحساب أمام الله سبحانه وتعالى..!
عايزين تبقى:

♥ الخطوة الأولى ... خمار مع جونتى..

♥ الخطوة الثانية ... نقاب ..

♥ الخطوة الثالثة ... عريس صالح ..

♥ الخطوة الرابعة ... الجنة بإذن الله ..



معاني الأنوثة



الأنوثة نعمة غالية ربنا اللي اداها ليكي
وبأيديكي تحفظيها .. أو تضيع من بين أيديكي
أحمدى ربك تملّي .. واشكرى نعمه عليكي
او عي تفتخري بجمالك ، كله زايل من عنيكي



الأنوثة مش مجرد .. حبة أحمر ع الشفايف
الأنوثة مش فى إنك .. هوسى عقل اللي شايف
ابعدى عن كل شبهة ، دول بناتنا كثير عفايف



خليكى حاسمة .. خدي القرار فوراً .. مش عايزين
استعباد لشهواتنا أكثر من كده ..
وخلي الكلمتين دول على طول فى بالك ..

من وجد الله فماذا فقد؟؟

ومن فقد الله فماذا وجد.....؟؟

يلا يا أختي نصح حجابنا ونصلي فروضنا ونرجع
لقرآننا و نبدأ حياة جديدة ..
حياة هدفنا الوحيد فيها هو رضا ربنا اللي خلقنا وأنعم
علينا بنعم ملهاش عدد ولا حصر ..
حياة كلها راحة وطمأنينة وسعادة .. شعارنا فيها..

أحلى حياة فى طاعة الله





الزهور بتكون جميلة طول ما لسه الشوك حاميتها
بس لو يوم شوكتها سابها ؛ ألف إيد تتمد ليها !
خلي نورك جوه قلبك .. والإيمان هيكون ماليتها



خلي مكياجك إيمانك ، مش بأحمر ع الحدود
طهري دائماً ف قلبك ، بكرة نصح أكل دود
مش تعدي أي كلمة ... قفلي كل السدود



عطري روحك بذكرك ، وارضى ربك وامشي راضية
لو في مرة حد عاكسك مش تردي بكلمة فاضية
اوعي تدي فرصة ليهم ، وإدى ليهم ضربة قاضية



الأنوثة مش بانك ... تهوسي عقل الشباب
الأنوثة هي إنك ... تحمي نفسك م العذاب
الأنوثة شئ وكامن ... جوه منك وانتي باب
إوعي تتميعي بكلامك أو تقولي دول صحاب
تبقي تستهلي اللي يحصل والسؤال ملهوش جواب!



اقري في القرآن وسيك م الأغاني مع الصحاب
اعرفي سنة رسولك .. والبسي فرضك حجاب
اوعي تلتفتي لكلامهم ، مش ده أرحم م العذاب ؟؟
لو تقيسي الدنيا ديّه ، ايه هتاخدي غير تراب ؟؟؟



انسى مكياجك وسيبي .. نور إيمانك يملئ وشك
بدلي مرايتك بقلبك .. مستحيل قلبك يغشك



كل شئ في الدنيا لما .. بيداروه بيزيد جمال
و العفاف للبنات يغلب أي شكل و أي مال
انتي أجمل ألف مرة .. لو جمالك جوه قلبك
مش مهم الخلق ترضى .. المهم هترضي ربك
هو إيه في الكون دا يغلب ، لو إله الكون دا حبك ؟
هو إيه في الكون دا يغلب ، لو إله الكون دا حبك ؟



الشاعر / أحمد عبد الله



هو أحسن ترضي ربك ولا ترضي الناس بحالها ؟
هو إيه للبنات يشفع ؟ شكلها ولا عملها ؟
دا الجمال في الجسم زایل ، انتي شفقيه دام لمن؟؟
و الجمال في الروح بيفضل مهما بتعدي السنين
كوني بنت بألف راجل .. إخرسي في الطماعين



سيرة البنت العفيفة هي أحسن شئ يهدوم
حبرها مكتوب بدينها ؛ مش بمكياج أو هدوم
إوعي صوتك يعلى مرة ؛ ده الرسول علم علوم
انتي بايديكي تكوني زي نور وسط الغيوم



« الزواج يا بنات سنة ربنا فى الأرض..يعني مش عيب ولا حرام إني اتمنى الزوج الصالح..بالعكس ؛ دا من وصايا النبي ﷺ :

« تزوجوا فإني مكاثر بكم الأمم ، و لا تكونوا كرهبائية النصرى»⁽¹⁾

ومشكلة العنوسة موجودة من زمان ؛ بس مش كانت أصبحت ظاهرة بشكل واضح لأسباب كثير جداً مش موضوعنا إنا نتكلم فيها .. والإحصائيات الأخيرة بتوضح مدى سوء المشكلة يوم بعد يوم !!

► **المشكلة الكبرى** اللى بتقابل أى بنت فى موضوع العنوسة هى مشكلة الضغوط من عدة اتجاهات.. أهمها :

- ⊖ ضغوط من البنت نفسها ..
- ⊖ وضغوط من الأهل ..
- ⊖ وضغوط من الناس ..

(1) صححه الالباني فى صحيح الجامع



♦ **قالوا يبقى التليفزيون هو الحل:** اتصلنا ببرنامج (بدل العريس ألف) فى قناة (عريسك عندنا).. وبرده مفيش فايده!

♦ **قالوا يبقى مفيش غير النت:** وصلنا نت واشتركنا فى كل مواقع الجواز .. وبرده مفيش فايده! قولولي اعمل ايه بس يا ناس؟؟!! يلا انتى وهيا امشوا من قدامي..كل واحدة تنزل دلوقتي ومترجعش البيت إلا بعريس فى إيديها وإلا مش هتدخل البيت!! صبرني يارب! ... صبرني يارب!



« نسيب الست أم فاروق على ما تهدى شوية.. وتعالوا بينا نتكلم فى مشكلة مهمة جداً .. واكيد طبعا عرفتموا هتكلم معاكم فى ايه ..

مشكلة العنوسة..!!

أو مشكلة البنات اللى اتأخر زواجهم شوية ...



وناس تانية بحكم العادات والتقاليد مش راضية تجوز الصغيرة قبل الكبيرة ، فنفسها الكبيرة تتجوز علشان توسع الطريق لآخواتها.. وهكذا.. كل ده بيخلي الأهل مضغوظين وكمان بيضغظوا على البنت ، وزى ما شفتوا فى أول الموضوع الست أم فاروق!!

ثالثاً: ضغوط من الناس :

الناس مش بتسبب حد فى حاله أبداً ، وخصوصاً بين الستات وبالذات موضوع الجواز ده .. مش عارفه فلانه لسه متجوزتش لحد دلوقتى ياترى ايه السبب؟ يكون مش عارف ايه؟؟ وفلانه خطيبها سابها ! وفلانة عريسها عمل مش عارف ايه؟؟ وفلانه وفلانه.. وكلام الناس بيجرح ومش بيخلص! ➡ **الضغوط دي مع الشيطان مع النفس الأمانة** بالسوء بيدفعوا البنت إنها توصل لدرجة انها عايزة تعمل أى حاجة مقابل إنها تتجوز.. أو تشيل الضغوط دى عنها بأي طريقة حتى ولو كانت الانتحار!!!!



أولاً : ضغوط من نفس البنت:

وده غصب عنها مش بمزاجها.. زى ما قولنا ان الزواج سنة ربنا فى الارض , وربنا سبحانه وتعالى خلق المرأة ضعيفة وميالة للعاطفة ، محتاجة زوج يكون جنبها .. يعطف عليها ويحسسها بالحنان والأمان ، ده غير فطرة الأمومة اللي ربنا أوجدها فيها ؛ فالبنت جواها زيها زى أى بنت ، نفسها تتجوز وتبقى ربة بيت وتبقى أم وتعيش الحب الحلال..

ثانياً : ضغوط من الاهل:

و دي من الضغوط الكبيرة على الأهل قبل ما تكون على البنت ، خاصة فى الزمن ده ، وفى ظل الظروف الصعبة اللي بيعيشها الأهل.. بتلاقي الأهل وخصوصاً الأمهات نفسها تشوف بنتها عروسة وتفرح بيها ونفسها تشيل ولادها وتلاعبهم .. دي مشاعر معظم الأمهات ؛ بجوار إن فيه بعض الناس نفسها بناتها تتجوز علشان تخفف عنهم المصاريف والأعباء شوية



◀ تبدأ تخرج وتلف وتروح هنا وهناك على أمل ان حد يشوفها ويتقدم لها ..وبرده مفيش فايده!
 ▶ تبدأ ترخص نفسها لو كانت فى كلية مثلا أو في شغل وتروح هي اللي تكلم الولاد وتتصاحب عليهم وده طبعا بنشوفه كثير ..وبرده مفيش فايده!
 ▶ تدخل أنت .. وتكلم ده وتشيت مع ده .. وتدي ده رقم موبايلها ..وبرده مفيش فايده!
 ▶ ولو البنت مكنتش جميلة مثلا أو مش واثقة في نفسها ممكن تتنازل وتعمل أكثر من كده عياداً بالله وانتو شايفين أكثر مني!

طيب ليه كده مفيش جواز برده؟؟

◀ أصل المشكلة إن البنت مش عارفة ان كل اللي بتعمله ده اسمه أخذ بالأسباب .. حتى ولو كانت الأسباب دي صح او غلط .. هي فاكرة إن الأسباب دي ؛ الجمال واللبس والخروجات والشات هي اللي هتجيب العريس ..



◀ يعني بعض البنات زى ما بنشوف وبنسمع كثير .. تكون ملتزمة وصاينة نفسها ومش عايزة تغضب ربنا ومع ذلك برده مجالهاش عريس لحد دلوقتي ؛ مع إن زميلاتها اللي مش ملتزمين ... أو على الأقل لبسهم مش كويس بيجلهم عريس وانتين وعشرة وهي مفيش حد عبّرها ولا فكر يدق الباب !!

فيبدأ الشيطان يشكك البنت في نفسها ..

هو انا صح ولا غلط...؟؟؟

طيب لو صح ، امال ليه انا كده وهما كده؟؟

➤ ويبدأ الشيطان يشوف شغله ويخيلها تتنازل واحدة واحدة ..مثلاً من نقاب لخمارة ..ومن خمارة لعباية وطرحة قصيرة ..وبعدين جيبة وبلوزه وميك اب خفيف ..وبعدين بنطلون ... وهكذا ... وبرده مفيش عريس ..!



◀ **بنت هترد وتقول : طيب ده كلامك انت ..!**

إنما اللي بنشوفه على أرض الواقع ان أغلب الناس
بقت تختار بالجمال واللبس والشيافة ..!!!
وأكبر دليل إن أصحابي اللي مش ملتزمين اتجوزوا
وأنا الحمد لله بطيع ربنا في لبسي وفي حياتي..
ولسه قاعدة ومتجوزتش؟!!

◆ حتى لو فرضنا ان كلامك صح وان الناس بتختار
بناء على الجمال واللبس والشيافة .. هسألك يا
أختي شوية اسئلة وعائزك تفكرى فيها كويس
جدال..

◀ **تفتكري** الشاب اللي اختار بنت علشان جمالها .. لو
حصلها أي حاجة ،مثلا طلعلها شوية حبوب فى وشها
أو لاقدر الله حصلها حرق أو أي حاجة .. هيطيق
يعيش معاها بعد كده ؟!؟!



ونسيت البنت إن رب الأسباب سبحانه وتعالى هو
اللي لازم يأذن علشان الأسباب تشتغل ..
ومن غير ده .. يبقى حتى لو أخذت بأسباب الأرض
كلها مش هيجلها عريس برده..!

طيب ايه الحل دلوقتي؟؟؟

قبل ما نتكلم فى الحل..لازم الفت نظر البنات لعدة
نقط..

⊖ **أولاً:** أنا كشاب زى أى شاب (والناس بتقول عليا
محترم وكويس) لما أجى أدور على زوجة ليا عمرى
ما هختار زوجتى من الشات ، أو بمكالمة موبايل..
وعمرى ما هفكر فى يوم فى واحدة لبسها مش زى
ما ربنا ورسوله ﷺ أمر ، ولو كانت حتى أجمل واحدة
فى الكون! أنا أهم حاجة عندي الدين .. أولاً وأخيراً..
♥ الدين والحياء اللي هيجلوكي أجمل واحدة فى
نظر أي شاب ملتزم..



➤ كام حالة طلاق فى المحاكم وكام مشكلة ! لأن البيت اتبنى غلط من الأول ! و آثار المعصية بدأت تظهر! الناس فرحت علشان البنات اتجوزت!!! سنة أو سنتين أو كام شهر حتى وتلاقيها اتطلقت!!

➤ والمشكلة تبقى أكبر من الأول لو معاها أولاد..!
➤ والأدهى إنها ممكن تكون عايشة عيشة لا تطاق ..نكد وهم وغم وضرب وخرافات ..ومجبرة على كده علشان خاطر الأهل أو مش عارفة تتطلق أو لأي سبب كان...! **يا ندى تحبى تتجوزى وتبقى دى عيشتك؟؟**

«تأملي حديث النبي ﷺ علشان تعرفي ربنا بيرزق المتبرجات واللى بيعصوه بعمرسان ليه وانتي لأ..!
قال النبي ﷺ: « إذا رأيت الله يعطي العبد من الدنيا على معاصيه ما يحب فإنما هو استدراج ، ثم تلا قول الله تعالى: [فَلَمَّا نَسُوا مَا ذُكِّرُوا بِهِ فَتَحْنَا عَلَيْهِمْ أَبْوَابَ كُلِّ شَيْءٍ حَتَّى إِذَا فَرِحُوا بِمَا أُوتُوا أَخَذْنَاهُمْ بَغْتَةً فَإِذَا هُمْ مُبْلِسُونَ] [الأنعام : 44] صححه الألباني .



➤ **تفتكري** اللي اختار بنت علشان عجبته فى فرح أو حفلة مش هيبص لغيرها ..ده بص لألف واحدة قبلها زي ما بصلها ..ولا تفتكري ده واحد ملتزم علشان يختار بالشكل ده؟

➤ **تفتكري** ان البنات اللي راحلها شاب عنده عربية و عمارة وفلوس ولكنه مش بيصلي ، ووافقت عليه ! تفتكري ده هيعاملها بما يرضي الله ، وهيتقي الله فيها وهتكون عيشتهم سعيدة؟؟

➤ **تفتكري** ان العريس اللي اختار الجمال .. وقلع عروسته الحجاب فى ليلة الفرح وخلاها ترقص قدام الناس..تفتكري ده راجل أصلاً عنده نخوة هيحافظ على زوجته ويصونها ويخاف عليها؟؟

آه بنات كتير بيتجوزوا...

بس ايه اللي بيحصل بعد الجواز؟؟

مصايب وبلاوي..وعيشة سيئة جداً..وده اللي بنشوفه وبنسمعه...وما خفى خلف أبواب البيوت كان أعظم!!



من كام يوم كنت قاعد مع جماعة زمائلي فلقيت واحد فيهم بيقول للتاني ..البنت (فلانة) أنا زهقت منها خلاص ..وهديك رقمها تعيشك معاها يومين..التاني قاله ليه بس؟ ده أنت بقالك معاها كام سنة ووعدها بالجواز والبنت متعلقة بيك..قاله انت هتعيش انت كمان!! او عى تكون فاكر اني بحبها بجد؟؟ ولا ممكن اتجوزها اصلاً؟! يوميه بنقضيهم وغيرنا يستلمه ! وللأسف ..بنات كثير مضحوك عليهم !!

طيب إيه الحل ???

أنا زهقت من نفسى ومش عارفه اتصرف ازاي مع بابا وماما و مع الناس؟؟!

اولاً : مع نفسك :

لازم قبل كل شئ تجديد التوبة لربنا سبحانه وتعالى عايزين يبقى عندنا شوية يقين ..هندخل بقى فى كلام الشيوخ يقين وبتاع..! ده مش كلام شيوخ يا أختي !



◀ يعني ربنا بيستدرجهم وهما مش حاسيين..ربنا يتوب علينا وعليهم قبل فوات الأوان..

⊕ **ثانياً: او عى** علشان كبرتي في السن أو زواجك متأخر ، أول ما عريس يجيلك ترضي بيه لو كان غير ملتزم ..انتي ممكن تتنازلى عن أى شئ ..فلوس ,دهب , فرح ..إنما الدين لا..كله إلا الدين!!
احنا عايزين عريس صالح ياخذ بايدك للطاعة ويعيش معاك بالمعروف ويعاملك زي ما النبي ﷺ كان بيعامل زوجاته ..وتربوا ذرية سالحة تكون صدقة جارية ليكم بعد وفاتكم ...

عايزين حياة هادية و مستقرة و كلها تسامح و رحمة و مودة ، و كل دا مش هيتحقق إلا مع واحد فاهم دينه صح و فاهم إزاي كان حبيبنا صلى الله عليه و سلم بيتعامل فى حياته كلها ..

⊕ **ثالثاً: او عى** تفكرى ان كل واحد قالك بحبك وبموت فيكي يبقى صادق ومش بيكدب عليكى؟؟!!!



«بل فيه حديث من أعجب الاحاديث وأول ما حد يعرفه ، المفروض يغير من تفكيره تجاه الرزق تماما.. ويبطل يشيل الهم بقى....
يقول النبي ﷺ :

« إن الرزق ليطلب العبد كما يطلبه أجله » (1)

يعني الرزق هو اللي بيجري وراكي علشان يوصلك زي ما الموت بيجري وراكي ..! سبحان الله !
«يعني انتي عماله تلفي ورا العريس وهو بيلف وراكي!! خليكي واثقة في ربنا إنه هيرزقك ..
ربنا سبحانه و تعالى أعظم و أحلم و أكرم من كل ما يتصوره العباد ..

ولو حد قالك مثلا انتي ازاي هتتخطبي

او تتجوزي من غير ما حد يشوفك؟؟

لازم تخرجي وتروحي هنا وهناك وتفرجي الناس !

(1) صححه الالباني في صحيح الترغيب والترهيب



ده كلام ربنا اللي خلقنا وعارف مصلحتنا ..وكلام النبي ﷺ الذي لا ينطق عن الهوى ، اللي ربنا أرسله رحمة لنا وللعالمين..ده الدين بتاعنا ، اللي هدفه إننا نعيش أحلى حياة ..وانتي أكيد عارفة إن من شروط الإيمان ؛ الإيمان بالقضاء وبالقدر خيره وشره ..
يعني ايه ؟ يعني كل اللي يجيبه ربنا خير ... يعني اتجوزت ، الحمد لله..خير ..الجواز اتأخر ، الحمد لله خير..متجوزتش (لا قدر الله) ..برده الحمد لله خير..
لو ربنا كاتبلي عريس يبقى هيجيلي هيجيلي ..
النهارده..بكره..بعد شهر..بعد سنة ؛ المهم انه هيجي وقت ما ربنا يشاء..

أحد السلف كان يقول كلام جميل أوى:

(علمت أن رزقي لن يأخذه غيري فاطمأن قلبي)

يعني رزقي مكتوب من يوم ما اتولدت ..

محدث هياخده غيري..يبقى أشيل الهم ليه؟؟



► يعني اوعي علشان الرزق اتأخر شوية تعصي ربنا علشان تطلبه..! خليكي فاكرة كويس ..

(ما عند الله لا يُنال إلا بطاعته)

« طيب أنا ملتزمة او كنت مش ملتزمة وبفضل الله التزمت و غيرت لبسي وحياتي وبقيت بطيع ربنا.. وصبرت كثير وجوازي متأخر برده؟؟؟!

يبقى لازم تعرفى ان ده هو الخير ليكي..

« ايوه .. إن جوازك يتأخر أو (لا قدر الله) انك متتجوزيش هو ده الخير ..

زى ما قولتلك قبل كده ترضى إنك تتجوزى وتعيشى فى هم وغم وجحيم ، وهنتمنى ساعتها إنك تقعدى طول عمرك عانس ولا إنك تكونى اتجوزتى!
خلى الآية دى فى قلبك دايمًا: ﴿ وَعَسَى أَنْ تَكْرَهُوا

شَيْئًا وَهُوَ خَيْرٌ لَكُمْ وَعَسَى أَنْ تُحِبُّوا شَيْئًا وَهُوَ شَرٌّ لَكُمْ وَاللَّهُ

يَعْلَمُ وَأَنْتُمْ لَا تَعْلَمُونَ ﴾ [البقرة: 216]



« قوليله : أنا عندي يقين ان عريسي مقسوملي ومكتوب لي من يوم ما اتولدت ..يجي ازاي دي مش بتاعتي! دي ربنا سبحانه وتعالى اللي بيسبب الأسباب علشانها ..زي الأكل ما بيجيلي كل يوم وأنا قاعدة في بيتي لحد عندي..بابا بيحبيه ..أي حد يحبيه ..المهم إنه بيجي !... كذلك موضوع العريس..

« واوعي تفتكري انك مهما لبستي او اتشيكتي أو كنتى جميلة أو كلمتى ولاد كل ده هيسرع جوازك.. بالعكس ؛ انتي كدا بتضيعى منك دنيا و آخرة !!!

« تأملي الحديث ده ..قال رسول الله ﷺ :

« إن روح القدس نفث في روعي ، أن نفسا لن

تموت حتى تستكمل أجلها ، وتستوعب رزقها ،

فاتقوا الله ، وأجملوا في الطلب ، ولا يحملن أحدكم

استبطاء الرزق أن يطلبه بمعصية الله ، فإن الله

تعالى لا يُنال ما عنده إلا بطاعته » صححه الألباني .



ثالثا : مع الناس:

او عي تلتفتي لكلام أي حد .. الناس عمرهم ما هيبطلوا
كلام ، سواء اتجوزتي أو متجوزتيش!
سيبي الناس يقولوا زي ما يقولوا...!!!
ولا يهز شعره فيكي .. انتي مؤمنة وعندك يقين ..
وواقفة في الله انه مش هيضيعك أبداً..

❖ واخيراً .. ولكنه ليس بأخير .. بل قبل كل شيء ..
عليكي بـ **الدعاء** ..

ربنا قال: ﴿ وَقَالَ رَبُّكُمْ ادْعُونِي أَسْتَجِبْ لَكُمْ ﴾

♥ يعني الدعاء مستجاب .. خاصةً بقي لو في قيام
الليل أو بين الأذان والاقامة أو الدعاء بظهر الغيب أو
دعاء الصائم والمسافر أو دعاء الأم لبنتها ..
قولي يا رب ، واطلبي الزوج الصالح من الله .. خزائن
ربنا مليانة عرسان ... بس انتي قولي يا رب ..



«ربنا بس هو اللي عالم الخير فين .. وهو أرحم
بيكي من أي حد تاني... لو عالم إن الجواز خير كان
قدمه ليكي.. ولكنه يعلم إن تأخيرته هو اللي خير ؛
علشان كده أخره ..

يبقى خليك فاكرة.. (وَاللَّهُ يَعْلَمُ وَأَنْتُمْ لَا تَعْلَمُونَ)

ثانيا : مع الأهل:

الأم والأب .. فكرهم غير فكرك !!
بس ممكن تقنعهم بالكلام اللي فات ده ..
❖ بس فيه آباء وأمهات كثير إيمانهم ضعيف ويرده
مش بيقنعوا .. أعمل ايه معاهم ؟
«اصبري عليهم واوعي تزعقي معاهم أو تزعليهم ..
واتعاملي معاهم بكل أدب واحترام ورحمة ..
ومتجادليش كثير علشان متتعبيش .. وادعي ربنا انه
يهديهم ويرزقك الصبر عليهم والبر بيهم ..



♥ يعني الدعاء مستجاب مستجاب... بس انتي ادعي ربنا وانتى على يقين بالإجابة..

اوعي تيأسي!! واوعي تعصي ربنا علشان الزواج!!

♥ ولازم تعرفي ان الزواج دا وسيلة .. وعمره ما كان غاية!! يعني الزواج و وسيلة لرضا ربنا سبحانه وتعالى ودخول الجنة و كسب الحسنات و الأجر .. الزواج مش غاية..يعنى مش هتكون نهاية المطاف انك تتجوزى..لأ، دى البداية لحياة أبدية ؛ أسعد حياة في الجنة إن شاء الله ..

♥ وتأكدي إن ربنا أعز و أعظم و أكرم من إنه يضيعك .. و انتى نفذتي اللي أمرك بيه و بعدتى عن اللي نهاكي عنه

انتى عايزه تتجوزي علشان تعيشي أحلى حياة ..

وأحلى حياة في طاعة الله



قولي يارب ارزقنى الهدى و التقى و العفاف و الغنى..قولى يارب اكفني بحلالك عن حرامك و اغنني بفضلك عن سواك..

◀ طيب ...أنا بدعي بقالى كام سنة وحاسه انه مش بيستجاب ليا؟؟!

♦ مين قال كده ؟؟ لو انتى فعلا بتدعي بعد تجديد التوبة وبإخلاص وبتاكلي من حلال يبقى إن شاء الله دعائك مستجاب مستجاب مستجاب ..

◀ بس الاستجابة دى ازاي؟؟

شوفي حديث النبي ﷺ :

« ما من مسلم يدعو ليس بإثم ولا بقطيعة رحم إلا أعطاه إحدى ثلاث:

① إما أن يُعجل له دعوته (يعني ربنا يستجيبها له في الدنيا)

② وإما أن يدخرها له في الآخرة

③ وإما أن يدفع عنه من السوء مثلها

قالوا إذا نكث , قال الله أكثر « صححه الألباني .